

[www.BibleForChildren.org](http://www.BibleForChildren.org)

# Génesis 3




Jee nsikúnání t̄e vá Eva ñasí'í  
re'. Chi nkuví ña náná' n̄un'  
ní'í ñivi t̄ékú'.




Koo' kúvi kití máñá' ká' nsú ká' inka  
ká' rá kití yúkú ya nsa'á Ito'o'-ó  
Ndiosí'. Suvití' vá nkachi' nuun' ña'an  
vá: –¿Á nijia kúvi ya nkachi' Ndiosí'  
nuun' rán ya ntu íyó kaji' niva'a rán rá  
vixí' néni ñin yutun íñí nuun' vii' ví'í  
íyó, réja?



Jee nnaxiníkó ña'an  
vá nuun' koo': –Kuvi  
kaji' rán' rá vixí' kúun rá  
yutun íñt nuun' vii' ví'í  
íyó. Soo nkúvi kaji' rání' ya vixí' kúun ñn  
yutun ya íñt ma'ñú ñu'un ya'á. Nkachi'  
Ndiosí': Koto yájí' rán ni koto ké'í rán  
maa, sáva nkuví' rán.



Soo nkachi' koo'  
nuun' ña: -Nsá'  
kuvi' rán. Chi Ndiosí'  
jíní' ya kivi' kaji' rán  
maa kenta kune antúní' rán kuníchí rán,  
jee koo rán kuá' iyó Ndiosí', chi kuni' rán  
ya vá'a jín ya nivá'a.



Jee nini' ña ya va'a iyó ya vixí' vá kaji'  
maa. Jee too túvi né'ya ña maa. Jee  
síkuvi ya vixí' vá ini' ña kaji' ña maa  
sáva kuníchi ña. Jee nkane'e' ña ìn  
ya vixí' vá jee nyaji' ña maa jee suni  
nja'a ña maa nuun' yñ  
ña ya néé' re' jín ña  
yukuán, jee nyaji'  
re' maa.



Jee nkenta nine antúní' ni núví' raa,  
jee nini' raa ya íyó ññin raa. Iñajée  
nkiku raa rá na'á yuku' yutun nani  
higuiera, jee nsá'á raa maa ya kasi'  
raa nūn' sí'in raa.





Jee nkana lto'o'-ó Ndiosí' t̄e v̄a, jee  
nkachi' r̄e': –¿Né nú íñt̄ nú? Jee nkachi' t̄e v̄a:  
–Ñakuso'o n̄i' ya maánú íñt̄ nú nuun' vii' ví'í íyó, jee  
yú'ví n̄i', chi íyó ññn n̄i', jee saáva ñak̄t̄i yu'u' n̄i'.





Jee nkachi' Ndiosí': –¿Né ìn nkachi'  
nụun' nú yà íyó ññn nú rúja? ¿Á nyaji' nú yà vixí'  
nínta yutun ntatúní' nì' yà koto yájí' nú rúja?



Jee nkachi' t̄e v̄a: –Ña'an ntaji nú n̄un' n̄i' s̄ava  
kunee' ña jín n̄i', maaña ntaji n̄un' n̄i' ya vixí'  
yutun v̄a, jee nyaji' n̄i' maa. Iñajée Ito'o'-ó  
Ndiosí' nkachi' n̄un' ña'an v̄a: –¿Nakuá  
kúvi ya nsa'á nú rúja? Jee nkachi' ña'an  
v̄a: –Koo' nxiná'ví nu'u', jee nyaji' n̄i'  
ya vixí' v̄a.



Jee ntava' Ito'o'-ó Ndiosí' raa n<sub>u</sub>n'  
Edén n<sub>u</sub>n' vii' ví'í íyó. Jee ñani re'  
te<sub>e</sub> vá satíñú-u n<sub>u</sub>n' ñu'ún. Chi  
ñu'un ví ya nsá'á re' maa.






Saájee ntava' re' t̄e  
vá jín ñasĩ'ĩ-ĩ, jee ñani re' rá najiá'á' í' nani  
querubine ichi kenta nkani' yu'ú nuun'  
vii' ví'í iyó ya káá-a ñuun' Edén sáva  
kumí raa yukuán. Suni ñani re' ñn  
yuchi' ñn ñu'un' ya jíkó ni'ĩ ichi  
sáva kumí raa násĩ'  
raa ichi íñĩ yutun  
ya sá'á ya kuteku' ñivi ññnkání.




Jee nkixi' Adán jín ñasí'í-í Eva, jee nnañise'ya ña jee nsikáku ña se'ya yíí ña jee nsikúnání ña maa Caín. Jee nkachi' ña: “Íyó ìn tẹ nūun' nì', chi nyituvi lto'o'-ó nu'u'.” Jee kuíre nsikáku tuku ña se'ya ña Abel ñani' Caín. Jee nkuvu Abel ìn tẹ náka sana', jee Caín nkuvu ìn tẹ yítíñú sátíñú nūun' ñu'ún.




Jee nkenta tiempú' ñanaka Cain sava rá tata' nsá'a-a  
ya soko'-o nuun' Ito'o'-ó. Sunisaá Abel ñanaka-a nuun'  
Ito'o'-ó rá se'ya sana' ya kúvi  
ya xí'nañú'ún ka' jín ya la'li' ka'  
ña'ni'-i vá nsoko'-o vá.



Jee nkuva'a ini' Ito'o'-ó nne'yá-a Abel jín ya nsóko'  
re'. Soo ntu nkúvá'a ini'-i nne'yá-a Caín jín ya nsóko'  
re'. Saájee nkayu' nasíkuiti' xini' Caín,  
jee nnakunta kini nuun' re'.



Jee nkachi' Caín n̄un' ñani' re' Abel ya k̄in' raa  
n̄un' ku'ú'. Jee sáa ya íñt̄ raa n̄un' ku'ú', yukuán  
nt̄in Caín ñani' re' Abel ña'ni' re' maa.




Ĩñajée n̄ikatu'ún Ĩto'o'-ó Caín: –¿Né nú' iyó ñani' nú  
Abel? Jee n̄axiníkó Caín: –Ntu jíní'-n'. ¿Sáre s̄ik̄i'  
nu'u' ví ya kúmí n̄i' ñani' n̄i' rúja? Jee nkene Caín  
yukuán n̄uun' nka'an'-a jín Ĩto'o'-ó jee  
ñakunee'-e n̄uun' ñuun' Nod ya káá  
ichi kénta nk̄anii' n̄uun' káá  
ñuun' Edén.



Nnìkó tuku Adán nkixi' re' jín ñasí' re', jee nsíkáku ña ìn se'ya ña ya nsíkúnání ña Set, jee nkachi'-i: “Nnatají Ndiosí' ìn ka' se'ya nuun' nì' ya nnakunasí'-i nuun' Abel ya ña'ni' Caín maa.”




Sáá njia'a tiempú' nsa'á Adán se'ya re' Set jee nteku'  
Adán una' sientú' kuiya' ka' (800) jee nsa'á re' ka' se'ya  
yĩ jín se'ya sí'fí. Jee ní'í rá kuiya' nteku' Adán  
niñt re' ñn' sientú' oko' uji' kuiya' (930) jee  
ni'i' re'.



Jee nini' Ito'o'-ó ya ntántúní' káné'én ví'í ñivi  
ya íyó nuun' ñu'ún, jee ntáká ya ñú'ún ini'  
áníma' raa ví ya yítá'án mani  
ya káné'í.



Jee nkachi' Ito'o'-ó: "Xináán' n̄i' rá ñ̄ivi ya nsa'a  
n̄i' ne nuun' ñ̄u'ún. Xináán' n̄i' ne rá ñ̄ivi jín  
ne rá kit̄i jíka nuun' ñ̄u'ún, jín ne rá kit̄i  
síú'un maáa, jín rá kit̄i íyó chíyo' jíkó  
súkún. Ñúkuáchi ini' n̄i' ya nsa'a  
n̄i' ráa."




Soo Noé chi niyo mañi' ini' Ndiosí' nne'ya re' maa.  
Jee nsa'á Noé uñi' se'ya yĩ: Sem, Cam jín Jafet.



'Chi nā ka' vá ñúnúun' ka' Ndiosí' ñiví  
ñiví, saáva njia'a re' Se'ya métú'ún re'  
nkiji-i, sáva ntaká rá ñivi ya kúneí ini'  
ráa maa, jee nsá' kɛnaan' ráa, chisa'  
kuteku' ráa ññnkání jín re'.



2



60



### Romanos 3:23

Chi ntáká ñiví nsá'á raa kuachi jee saáva kújíká raa ntu kénta kinoo naa' raa nuun' Ndiosí' ya vii' kúñá'nú re'.

### Romanos 6:23

Chi ya'vi ya ní'ín' ñiví jie'e' kuachi raa kúvi ya naan' raa kuéntá' jí'í' raa nuun' Ndiosí', soo ta'vi' ya síkúta'vi' Ndiosí' ví ya kuteku'-ó jín re' ññinkání jie'e' yí'í'-ó nuun' Ito'o'-ó Cristo Jesús.

### Hebreos 9:27

Jee sukuán kuéntá' kuá' saá íyó vaji ya ní'ni kúvi' rá ñiví ñn ni íchí, jee kuíre suni kiji tiñu ya ke'ne' Ndiosí' kuachi.



## Efesios 2:8,9

Chi j̄ie'e' ya íyó máni' ini' Ndiosí' né'yá re' ráno'ó jee n̄atava' re' ráno'ó n̄un' kuachi rán ns̄ikáku re' ráno'ó j̄ie'e' ya kúneí ini' rán Cristo, sú ntu íyó n̄in' rán maa. Soo nsú ráno'ó sá'á maa, chisa' kúvi-i ta'vi' ns̄ikúta'vi' Ndiosí' n̄un' rán. Jee nsú j̄ie'e' tiñu vá'a sá'á-ó ví ya ns̄ikáku re' yó n̄un' kuachi-ó, jee saáva ni ñn-ó nkúvi ka'an' téyñ-ó ya kúvi sikáku-ó maáo n̄un' kuachi-ó.

## Romanos 10:9,10

Chi retú jiá'ayu'ú nú jín yu'ú nú ya Jesús kúvi Ito'o' nú, jín retú ne ánima' nú kúneí ini' nú ya Ndiosí' nx̄ináteku' re' maa jee nx̄inákóo re' maa n̄atava' re' maa nteñu rá n̄iyi, saájee natava' Ndiosí' no'ó n̄un' kuachi nú sikáku re' nó. Chi jín ánima'-ó kúneí ini'-ó Jesús sáva siíyo Ndiosí' kuachi-ó jee kinoo naa'-ó n̄un' re', jee jín yu'ú-ó jiá'ayu'ú-ó ya Ito'o'-ó ví Jesús sáva natava' Ndiosí' yó n̄un' kuachi-ó nanitá'ví'-ó.



## Juan 3:16,17

'Chi na̲ ka' vá ñúnúun' ka' Ndiosí' ñiví ñiví, saáva njia'a re'  
Se'ya métú'un re' nkiji-i, sáva ntaká rá ñiví ya kúneí ini' raa  
maa, jee nsá' kinaan' raa, chisa' kuteku' raa ññnkání jín  
re'. Chi nsá' ntají Ndiosí' Se'ya re' ini' ñiví ya'á sáva sijíta  
re' rá ñiví ñiví, chisa' ntají re' Se'ya re' sáva sa'á re' ya  
sikáku Se'ya re' raa sáva ntu sjíta re' raa jie'e' kuachi raa.

## 1 Juan 5:11-13

Jee tu'un naa' jiá'a re' ví ya'á: ya ntaji Ndiosí' ya kuteku'-ó  
ññnkání jín re'. Jee ní'ín' ñiví kuteku' raa jín re' jie'e' yí'í raa  
na'á Se'ya re'. Jee ñiví ya íyó jín Se'ya Ndiosí' jee tékú'-u  
jín re'. Jee ñiví ya ntuví íyó jín Se'ya re' jee ntu tékú'-u jín  
re'. Rá tu'un ya'á ntee ni' nuun' ráno'ó ya kúneí ini' rán  
Se'ya Ndiosí' sáva kuká'nú naa' ini' rán ya ya tékú' rán  
ññnkání jín re'.



# Génesis 3 – 6

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: M. Maillot, Tammy S.

Mixtec, Southwestern Tlaxiaco Bible (meh) © 2022,  
Wycliffe Bible Translators, Inc. All rights reserved.

<https://www.bible.com/bible/3443/GEN.1.MEH>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

